

458-05/2012

GJKATA THEMELORE NË PRIZREN, DIVIZIONI I KUNDËRVAJTJES, me gjyqtarin *Nazim Vllaçon* e me procesmbajtësen *Shqipe Simitçiun*, në procedurën kundërvajtëse kundër të pandehurit *Nexhat Çoçaj*, nga Prizreni, për shkak të kundërvajtjes nga neni 5, 6 parag. 1.3 dhe neni 9 të Ligjit për Deklarimin, Prejardhjen dhe Kontrollin e Pasurisë dhe të Zyrtarëve të Lartë Publik dhe Deklarimin, Prejardhjen dhe Kontrollin e Dhuratave për të gjithë Personat Zyrtarë nr. 04/L-050, e në bazë të neni 195 të Ligjit mbi Kundërvajtjet, me datën 17.10.2013

AKTVENDIM

I pandehuri *Nexhat Çoçaj* nga i ati *Hajdar*, i lindur më 1964 në fshatin *Gjonaj* tani jeton në Prizren në rrugën *Edit Durham* ban. 1 Lam. 1 me kombësi shqiptar, magjistër i Filologjisë, i martuar, baba i katër fëmijëve, i gjendjes së mesme ekonomike, i padënuar për kundërvajtje.

ËSHTË PËRGJEGJËS

Sepse si Zyrtarë i Lartë Drejtor i Drejtorisë Komunale për Arsim në Prizren, nuk e ka bërë deklarimin e rregullt vjetor të pasurisë për vitin 2012 deri më datën 31.03.2012 sipas kërkesës së Agjencisë kundër Korrupsionit.

-me të cilën veprim ka kryer kundërvajtjen nga neni 5, 6 paragrafi 1.3 dhe neni 9 të Ligjit për Deklarimin, Prejardhjen, dhe Kontrollin e Pasurisë dhe të Zyrtarëve të Lartë Publik, dhe Deklarimin Prejardhjen dhe Kontrollin e Dhuratave për të gjithë Personat Zyrtarë nr. 04/L-050 të ndëshkuar sipas neni 17 paragrafi.3 të këtij Ligji prandaj edhe

DËNOHET

Me gjobë në lartësi prej 350.00 EURO (treqindepesëdhjetë) euro.

I pandehuri është i obliguar që gjobën e shqiptuar të paguajë në afat prej 15 ditësh, nga dita e plotëfuqishmërisë së aktvendimit, e në të kundërtën gjoba do të zëvendësohet me denim burgimi në atë mënyrë që për çdo 20 Euro të gjobës do të caktohet një ditë burg. Obligohet se në afatin e njëjtë të paguaj shpenzimet e procedurës në shumë paushale prej 5 EURO me kërcënim të përmbarimit me detyrim. Obligohet e pandehura që pas kryerjes së gjobës dhe të shpenzimeve të lajmërojë Gjykatën Themelore për Kundërvajtje në Prizren.

DPE / DMP
03
03-3587/13
29.10.2013

Arsyetim

Me kërkesën e Agjencisë kundër Korrupsionit të Republikës së Kosovës me nr.01-1873/12 të datës 24.05.2012 u zhvillua procedura kundërvajtëse kundër të pandehurit Nexhat Çoçaj nga Prizreni, për shkak të kundërvajtjes nga neni 5,6 paragrafi 1.3 dhe neni 9 të Ligjit për Deklarimin, Prejardhjen dhe Kontrollin e Pasurisë dhe të Dhuratave të Zyrtarëve të Lartë Publik dhe Deklarimin, Prejardhjen dhe Kontrollin e Dhuratave për të gjithë Personat Zyrtarë.

Gjendja faktike e përshkruar më përsëfërmi si në dispozitiv të këtij aktvendimi është vërtetuar në bazë të deklaratës së të pandehurit, deklaratës së zyrtarit kontaktues me Agjencionin kundër Korrupsionit Samir Hoxha, përfaqësuesit të Agjencisë kundër Korrupsionit Enis Sadiku, si dhe me administrimin e provave tjera në shkresat e lëndës.

I pandehuri në deklaratën e tij ka mohuar kundërvajtjen që i vihet në barrë duke theksuar se nuk ka pranuar asnjë lloj të formularit për deklarinim vjetor të pasurisë dhe se në mbledhjen e Bordit të Drejtorëve nuk kishte marrë pjesë për shkak të organizimit të aktiviteteve të shkollave nuk kishte pasur mundësi të njoftohet me e.mail adresë për shkak të ndërrimit të lokalcionit të zyrës në lagjen Ortakoll ku nuk kishte rrjet interneti.

I pandehuri deri para marrjes së aktvendimit nuk ka prezentuar asnjë prove lidhur me deklarinim e pasurisë Agjencionit kundër Korrupsionit.

Zyrtari kontaktues me Agjencinë kundër Korrupsionit Samir Hoxha ka deklaruar se në afatin kohor kishte njoftuar zyrën ligjore të KK Prizren si dhe shefat e grupeve parlamentare në mënyrë elektronike lidhur me njoftimin e këshilltarëve për deklarinim e pasurisë dhe ate kah mesi i muajit shkurt dhe fillimi i muajit mars të vitit 2012 të cilin fakt ia ka prezentuar gjykatës si dëshmi.

Gjyqtari ka vlerësuar mbrojtjen e të pandehurit por të njëjtën e ka vlerësuar si shmangie nga përgjegjësia kundërvajtëse ngase me provat tjera të cilat gjinden në shkresat e lëndës pamëdyshje është konstatuar se i njëjti e ka kryer kundërvajtjen e cila i vihet në barrë andaj është shpallur përgjegjës dhe dënuar sipas ligjit.


Gjatë caktimit të dënimit janë vlerësuar rrethanat nga neni 7 të Ligjit mbi Kundërvajtjet, pesha e kundërvajtjes së kryer dhe pasojat e saja, shkalla e përgjegjësisë si dhe rrethanat materiale të pandehurit.

Gjyqtari aplikoi nenin 9 të Ligjit mbi Kundërvajtjet duke ia shqiptuar dënimin nën masën minimale të dënimit për këtë kundërvajtje pasi që i pandehuri më parë nuk ka qenë i dënuar për kundërvajtje, qëndrimi i tij korrekt para gjykatës fakte këto të cilat nuk e përjashtojnë nga përgjegjësia kundërvajtëse por që në masë të konsiderueshme e zvogëlojnë përgjegjësinë kundërvajtëse.

Shpenzimet e procedurës janë të caktuar në bazë të neni 109 al.2 të Ligjit mbi Kundërvajtjet.

Me sa u cek më lartë, u vendos si në dispozitiv të aktvendimit
GJYKATA THEMELORE NË PRIZREN DIVIZIONI PËR KUNDËRVAJTJE
Dt.17.10.2013

Procesmbajtësja
Shqipe Simitçiu



NË 485/05-2012

Gjyqtari
Nazim Vllaço

03-3587/13/03
faj

UDHËZIMI JURIDIK: Kundër këtij aktvendimi e në afat prej 8 ditësh nga dorëzimi mund të ushtrohet ankesë Gjykatës së Apelit në Prishtinë, nëpërmes të kësaj gjykate pa taksa.